



1567
236

Bosnia and Herzegovina
Federation of Bosnia and Herzegovina
CANTON SARAJEVO
Ministry for Education, Science and Youth

Broj: 11/02-05-18645-13/19
Sarajevo, 27.05.2019. godine

SKUPŠTINA KANTONA SARAJEVO
n/r Elmedin Konaković, predsjedavajući Skupštine Kantona Sarajevo
-ovdje-

PREDMET: *Odgovor na zastupničko pitanje - dostavlja se*

Poštovani,

Zastupnik u Skupštini Kantona Sarajevo **Mirza Čelik** na osmoj radnoj sjednici Skupštine Kantona Sarajevo održanoj dana 14.05.2019. godine u okviru tačke dnevnog reda „Poslanička pitanja, inicijative i odgovori“, postavio je zastupničko pitanje:

„U Ministarstvu za obrazovanje, nauku i mlade Kantona Sarajevo je po Ugovoru o djelu bilo zaposleno nekoliko pripravnika. Od svih pripravnika otkaz je dobila samo pripravnica koja je bila u Ministarstvu za obrazovanje, nauku i mlade Kantona Sarajevo angažovana preko Zavoda za zapošljavanje Kantona Sarajevo. Otkaz je dobila po sistemu „imate sat vremena da napustite prostorije Ministarstva za obrazovanje, nauku i mlade Kantona Sarajevo“, što je klasičan oblik mobinga i neprofesionalizma, a što će se dokazati i na Sudu. Trenutno je u Ministarstvu u Sektoru za informatizaciju osoba zaposlena na Ugovor o djelu, pa je logično pitanje po kojem kriteriju je ministrica vršila odabir ko će nastaviti raditi po Ugovoru o djelu, a ko neće.“

Odgovor:

Uvaženi zastupnik Mirza Čelik je u svom pitanju iznio niz tvrdnji koji ne odgovaraju činjeničnom stanju.

Naime, prijem pripravnika u Ministarstvu za obrazovanje, nauku i mlade Kantona Sarajevo kao organu državne službe regulisan je članom 45. stav (1) Zakona o državnoj službi („Službene novine Kantona Sarajevo“, 31/16) koji glasi:

„(2) Prijem pripravnika u organu državne službe vrši se na osnovu javnog konkursa, koji objavljuje Agencija, na zahtjev rukovodioca organa državne službe, u skladu sa kriterijima koje utvrđuje Agencija.“



Odgovorno tvrdimo da nijedan pripravnik nije angažovan u Ministarstvu za obrazovanje, nauku i mlade putem nadležene Agencije za državnu službu Federacije Bosne i Hercegovine, a što se može lako provjeriti i u samoj Agenciji. Naime, za takvu vrstu angažmana potrebna je saglasnost Vlade Kantona Sarajevo, a Ministarstvo se nikad nije obraćalo Vladi po tom osnovu te samim tim nije ni dobilo takvu vrstu saglasnosti.

Takođe, ni putem Službe za zapošljavanje Ministarstvo nije angažovalo pripravnike jer nije ni apliciralo na navedene programe.

Nakon imenovanja novog saziva Vlade Kantona Sarajevu izvršena je analiza popunjenosti Ministarstva, a što je bilo i jedno od zastupničkih pitanja u Skupštini Kantona Sarajevo.

Uvidom u evidenciju Ministarstva utvrđeno je da je u periodu od 04.10.2017. godine do 06.12.2017. godine imenovana po osnovu ugovora o djelu obavljala poslove iz opisa poslova Sektora za odgoj i obrazovanje-Odjeljenje za predškolski i osnovni odgoj i obrazovanje (a što je u suprotnosti sa zakonom), a u periodu od 07.12.2017. godine do 11.03.2019. godine na realizaciji projekta „Jačanje socijalnog uključivanja-jednako i kvalitetno obrazovanje za podršku uspješnog razvoja djece sjeverozapadnog Balkana 2016-2018“ (komponente 2).

Navedeni ugovori su potpisivani mjesečno i posljednji je istekao 11.03.2019. godine. Za svaku vrstu Ugovora o djelu potrebno je da izvršilac naručiocu prezentira dokaze da je navedeno djelo i izvršeno.

Na osnovu evidencije Sektora za ekonomske poslove ministrici nisu prezentirani dokazi o projektu, odnosno izvršilac nije prezentirao dokaze da je realizirao predmet ugovora. Naime, ranija pomoćnica ministra za predškolski, osnovni odgoj i obrazovanje i inkluzivno obrazovanje je pripremala, parafirala i dostavljala navedene ugovore Sektoru za ekonomske poslove na plaćanje bez bilo kakvih priloga.

Uvažavajući navedene okolnosti (istek ugovora), a imajući u vidu činjenicu da imenovana lica imaju odgovornost da svoje poslove izvršavaju savjesno, sa *pažnjom dobrog domaćina*, u razumnom uvjerenju da djelujem u javnom interesu nije bilo moguće dalje angažovanje navedene osobe.

Ostale navode uvaženog zastupnika nećemo komentarisati jer ne odgovaraju činjeničnom stanju.

S poštovanjem,



MINISTRICA

Mr. Zineta Bogunić

Dostaviti:

1. Naslovu;
2. a/a.



web: <http://mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128,
Fax: + 387 (0) 33 562-218
Sarajevo, Reisa Džemaludina Čauševića 1

